

laburrean

■ Larreko saria jasoko du irulegi irratia
Euskalerrria Irratia elkartearen eskutik

GAUR jasoko du Irulegi Irratiak Larreko saria Uhartan. Urtero eskaintzen du Euskalerrria irratiak elkarteak sari hori, eta aurtan Irulegi Irratiari ematea erabaki du, elkarteak dionez, «irradi hori garatzen ari den lan oparoagatik». Larreko saria sortu zen euskararen erabilera publikoa bultzatzen duten pertsonak eta elkarteak saritze-ko. Aurreko urteetako sariak jaso dituzte, Iñaki Perurena harrijaso-zaileak, Sagraria Alemanek eta Jorge Cortes Izalek. X

■ Araba Euskaraz jaiaren balorazioa oso ona izan
dela diote antolatzaileek

OSO ONA da antolatzaileek diotenez, Araba Euskaraz aurtengo jaialdiaren balorazioa. Guztira 20 milioi pezeta jaso zituzte (800.000 libera inguru) joan den igandean Arian egindako jaietan. Atzo Arabako ikastolen jaiaren inguruko balorazioa egiteko eman zuten prentsaurrekoan esan zuten, 900 lagun inguru aritu ziren egun osoan lanean. 19 txosna eta 4 eszenatoki izan ziren 7 kilometrotako ibilbidean, eta antolatzaile Armentia ikastolako arduradunek esan zuten egun horretarako hartutako kafe eta janari ia guztia amaitu zela. Araia eta Zaldunondora tren, autobusez eta autoz hurbildu ziren han bildutako lagunak, eta antolatzaileek adierazitakoaren arabera, Renfe konpainiarekin izandako esperientzia ona izan da, jende gehiena trenen baitan festara. Bestalde, jaiak prestatzen lagundu duten pertsonen, elkarte pribatu eta publikoen eskerrak eman nahi izan die. X

■ Ibiur urtegiari buruz hitz egiteko bilera eskatu dio
Gipuzkoako diputazioak Tocinori

EPAINIAKO Ingurugiro ministro Isabel Tocinori Ibiur urtegiaren gainean hitz egiteko bilera eskatu dio Gipuzkoako Hirigintza eta Lan Hidraulikoen diputatu Jorge Letamendiak. Ibiur urtegiak lanak ez gehiago atzeratzeko eskatuko dio Gipuzkoako diputatuak. Ibiur urtegiaren eginkizuna izango da Tolosaldeako eta Behe Oriako 52.000 bizilagunen ur beharrak asetetzea. EAJko diputatu Joxe Joan Gonzalezek Ibiur urtegiaren gainean galdegina zion parlamentuan, Tocinori ministroak erantzun zion hilabete batzuk atzeratuko direla lanak. Letamendia erantzun horrekin kezkatutik dago, haren ustez, Tocinok ahalik eta gehien atzeratu nahi baititu lanak. Letamendiak gogoratu zuen, duela hiru hilabete kezka bera agertu ziotela Ingurugiro ministroari, eta orduan hark erantzundakoa izan zela hilabetera egingo zuela obren adjudikazioa. Hiru hilabete igaro ondoren, ez dela oraindik adjudikazioa egin esan zuen Letamendiak. Hori dela eta Gipuzkoako diputatuak eskatu du lehenbait lehen egitea lanaren adjudikazioa, ozo garrantzitsua baita Ibiur urtegi-egitea. X

■ Etorikinei oinarritzko osasun zerbitzua emateko
bitartekoak jar ditzan eskatu dio Legebiltzarrak
Jauralaritzari

EUSKAL AUTONOMI ERKIDEGOAN bizi baina Osakidetza zerbitzurik jasotzeko eskubidea ez zuten lege kanpoko etorkinei oinarritzko osasun zerbitzua eman diezaieten eskatu zion atzo Eusko Legebiltzarrak Jauralaritzari. IUK aurkeztu zuen lehenik gai horren inguruko proposamena, eskatzen zuena etorkin horiei ere gainontzeko herritarren zerbitzu bera bermatzekien. Ebazpen proposamen hori, ordea, baztertu egin zuten eta EAJk, PSE-EEk eta EAK modu bateratuan aurkeztutako beste bat onartu. Horrek eskatzen dio Gobernuari bitartekoak jartzea ez lege kanpoko etorkinek oinarritzko osasun zerbitzua jasotzeko modua izan dezaten aurrerantz. X

■ Absolbitu egin dituzte bi mediku ume baten
heriotza eragin zuen zuzenbidearen kasuan

BILBOKO lehen instantziako 13. epaitegiko titularrak, Maria Angeles Filloyk, zigor gabe utzi ditu Basurtoko ospitaleko bi sendagile eta Osakidetza bi urteko ume baten heriotza zela eta haiei leporatutako zuzenbidearen delituaz. Salaketa haurraren gurasoek jarri zuten argudiatuta euren semea ez ziotela garaiz atzeman buruko minbizia eta ospital pribatu batera eramane zutenean uko egin ziotela haren historia medikoa emateari. Sententziaren arabera, baina, sendagileak ez ziren zuzenbidearen delituaz. Diagnostiko garaian zuzen aritu ziren eta ondorengo tratamendua ere bidezkoa izan zen, nahiz eta gero umea hil egin zen. X


■ Birziklapen eta gaikako bilketaren emaitza onak

Materia organikoen eta ontzien gaikako bilketa eta birziklatzearen Bizkaiko lehenengo esperientzia garatu dute Bermeon eta Gernikan. Eusko Jauralaritzako Ingurugiro Sailak, Bermeo eta Gernikako Udalek, Urdaibaiko Patronatuak eta Rezikleta elkarteak 1997-98 urteetan sustatu duten esperientzia horrek emaitza ezin hobea izan ditu hiritarren partehartze zein ingurugiro heziketaren ikuspegitik. Horrela, besteak beste, materia organikoen birziklapenaren bidez lortu den konpostaren zati bat Bermeoko lorategietarako ongarri bezala erabiliko dute argazkian ikus daitekeen bezala. X

Drogaren kontrako estrategia
hitzartu dute New Yorken

Egitasmo nola finantzatu den oraindik ez dute zehaztu

Nazio Batuen Erakundeko Drogari buruzko Goi Bileran hiru egunez parte hartu dute 155 herrialdeetako ordezkariak drogaren kontrako estrategia orokorra hitzartu dute, baina airean geratu da nola finantzatu den plana eta nola lagunduko dieten diru premia handiena duten herrialde produktoreei. Planak aurreikusten du 10 urteko epean drogaren kontsumo eta produkzioa «nabarmen» murriztea.



Pertsona bat kalamu zigarro bat erretzen.

EFE

Efe / New York

HERENEGUNGO bilkuraren ostean 155 herrialdeek drogei buruzko deklarazio politiko bat onartu zuten. Deklarazioan herrialde guztiek onartu dute drogaren kontrako borroka «denen erantzunkizuna» dela, eta aurrera eramane beharrek estrategiak denen onarpena behar duela. Hala, herrialdeek azaldu dutenez, drogaren kontrako hurrengo urteotan aurrera eramango duten borroka «Estatu lurraltetasuna eta subiranotasuna» errespetatuko duela, eta ez duela eragingo herrialdeen barruko politikan eta ezta giza eskubide eta oinarritzko askatasunetan.

Deklarazioan herrialde guztiek onartu dute epe bat jartzea kokaren eta lo-belarraren «erabateko deusezpena edota

murrizpen nabarmena» lortzeko. Helburu hori lortzeko denen lan-kidetza «funtsezkotzat» jo dute deklarazioan, baina ez dute zehaztu zer laguntza emango dizkieten droga produzitzen duten herrialdeei.

Hain zuzen ere, herrialde pobreak ugari erreparatuak jarri zituzten droga landaketen murrizpen lortu ahal izateko, baldin eta kanpoko laguntzarik ematen ez badiete. Alberto Fujimori Peruko lehendakariak, adibidez, planteatu zuen kanpoko zorra duten herrialdeei hura barkatzea landaketak murriztearen truke. Ernesto Semper Kolonbiako lehendakariak narkotikaren atzematen dieten diruarekin drogaren kontrako munduko fondo bat sortzea proposatu zuen.

Herrialde batzuk, Espainia eta Alemania kasu, drogaren kontra borrokatzeko laguntzak areago-

tzeko prest agertu ziren. Hala ere, EEBBek oztupo ugari jarri dituzte finantzazioari dagokionez, beldur baita diru hori «herrialde ez demokratikoen» esku gera daitekeelako, adibidez, Birmania edo Afganistanen esku.

Deklarazioan herrialdeek nar-kotrafikotik datorren diru garbiketaren kontra aritzeko elkarlanareagotzeko beharra azpimarratu dute. NBERen datuen arabera, urtero 400.000 milioi dolar mugitzen dira droga trafikaren inguruan -60.000.000 milioi pezeta edo 2.400.000 milioi libera-.

Halaber, herrialdeak droga sintetikoaren fenomenoaren kontra borroka areagotzearen beharra agertu dute. Droga horiek erakusten dute «kontsumitzaile-tzat» hartu ohi diren herrialdeak produktoreak ere badirela. X

PUBLIZITATE
SALTZAILE BAT
BEHAR DA Jar-
dun Elkartearen
proiektu berezi
bat saltzeko.

Bidali kurrikuluma
ekainaren 22a bai-
no lehen.

Jardun Elk.
Kartzel Zaharra, Juan
Irazabal kalea, z/g.
20570 - BERGARA
Tel.: 943 76 08 19

Eibarko
Udala

IRAGARKIA: "ITZIOKO PARKEA"
EGITEKO KONTRATUA.

-Esleitzeko era: enkatetaren bidez.
-Lizitazio edo esleipena: 8.077.715,-
pzt.
-Lana burutzeko epea: 2 hilabete.
-Plikak aurkezteko epea: 98-07-6ra arte
(arratsaldeko seiak arte).
-Eskaintzak dakartzaten kartazalak za-
baltzeko eguna: 98-07-9an, goizeko
9:00etan, Portalean, Bilera Aretan.
Proiektu hori osatzen duten planoak,
baldintza-erriak eta gainerantzeko agi-
riak Udaltzaren Hirigintza Sailean
azter eta ikus daitezke.

Irargaria: 1998-06-9ko 106. GBOean.
Eibarren, 1998ko ekainaren 9an.
ALKATEAK, Iñaki Arriola López.

Eibarko
Udala

IRAGARKIA: "98KO
ASFALTATZE LANAK"
EGITEKO KONTRATUA.

-Esleitzeko era: enkatetaren bidez.
-Lizitazio edo esleipena: 13.717.840,-
pzt.
-Lana burutzeko epea: hilabete.
-Plikak aurkezteko epea: 98-07-6ra arte
(arratsaldeko seiak arte).
-Eskaintzak dakartzaten kartazalak za-
baltzeko eguna: 98-07-9an, goizeko
9:00etan, Portalean, Bilera Aretan.
Proiektu hori osatzen duten planoak,
baldintza-erriak eta gainerantzeko agi-
riak Udaltzaren Hirigintza Sailean
azter eta ikus daitezke.

Irargaria: 1998-06-9ko 106. GBOean.
Eibarren, 1998ko ekainaren 9an.
ALKATEAK, Iñaki Arriola López.